



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Specvlvm Ivventvtis, Sive Insigniores Pveritiæ Atqve  
Adolescentiae Sanctorvm**

**Bosendorf, Hermann**

**Monasterii VVestphalorvm, 1615**

Nicolaus Myrensis Episc. 6. Decemb.

**urn:nbn:de:hbz:466:1-42900**

PVERITIA S. NICOLAI MYRENsis  
Episcopi 6. Decemb. Sur. Tom. 6.

**S** Nicolaum illustri loco Patarae in Lycia natum, parentes à Deo precibus impetrarunt. Cuius viri sanctitas quanta futura esset iam ab incunabulis apparuit. Nam infans, cum reliquis diebus lac nutricis frequens sugeret, quarta & sexta feria semel duntaxat, idque vesperi sugebat: quam ieuniij consuetudinem in reliqua vita semper tenuit. Postquam vero è pueritia excessit, castissimos mores & disciplinam ab optimis acceptam parentibus in melius redigens, nouos quotidie honestatis & pie- tatis fructus edidit. Inde ætate poscente, ad ex colendum animum traditur studio literarum: Vbi tum ingenij magnitudine, tum velocitate discendi, breui admodum multa ingenuarum disciplinarū scientiam consecutus est. Ab omni humanæ laudis cura abhorrebat. Aequali um vero sodalitates, conuiua, consuetudines vitabat omnino, ratus eas tantundem habere intemperantiae atq; periculi, quantum festiuitatis atq; lasciuiae. Mulierum non modo colloquia, verum etiam conspectum, tanquam iuuenilis animi pestilentissimam labem fugiens, totum se honestati pudicitiaeque addixit. Libidinum vero & carnis incendia, quibus exsuetur ca- stitatem. stuare plerumq; omnes adolescentes solent, quotidianis laboribus, ieunijs, vigilijs extinguebat. Talibus igitur instructus præsidijstotum

tum sese ad Christi seruitium contulit. Schola  
illi erat ac diuersorum Dei templum, vt se di-  
gnum Deo pararet templum, in quo ipse per-  
dius ac pernox habitaret. Bonarum discipli-  
narum studijs aut legendo, aut audiendo, aut  
meditando assiduè incumbebat. In quibus  
tantum excelluit, quantum magno futuro an-  
tistiti opus erat. Sed quò vita recta doctrinis  
omnibus longè maximè præstabilior est, eð  
plus in componendis formandisque moribus  
nauabat opere ac laboris, quo iuuenilis flu-  
etuantisq; etatis inconstantiam senili quadam  
firmaret grauitate. Quem enim admodum  
non illud senium laudamus, in quo non emi-  
neat par senio & annis modestia: sic è diuerso  
solemus iucundè admirari, multaq; laude dig-  
nam existimare adolescentiam, quæ planè di-  
dicerit eiusce etatis compescere motus, & se-  
nectutis grauitatem ac modestiam retinere.  
Est enim sicut iuuentus in sene turpis, ita pul-  
cherrima in adolescente senectus. Habuit au-  
tem B. Nicolaus auunculū nomine Nicolaum,  
qui nepotem animaduertens religioni & san-  
ctimoniac deditum, mundo se penitus abdicas-  
se, parentes hortatur, vt adolescentem sacer-  
dotalibus sacris initiari permittant. Illi in sen-  
tentiam venere faciles. Cur enim gratos ho-  
mines pidgeat reddidisse quod gratis accep-  
rint, & fidelium more debitorum, æ alienum  
cum ipsa etiam usura persoluere? Igitur factus  
sacerdos morum & vitæ seueritatem pariter

cum

*Morum  
maturitas.**Vita austera  
ritas.*

cum dignitate augendam putauit, & corpori suo bellum indixit; non quo illud necaret aut cōtereret, sed quo domitum & omni petulantia exutum redigeret in seruitutem. Proinde somno & quotidiano cibo, quātum ratio permisisset, detrahebat, ieunijs nocturnisque vigilijs solito amplius indulgebat, vino parcissimo vtebatur, sēpius aqua sola contentus. Cribrior illi fuit ad tempula aditus: nulla penitus nisi sacrarum literarum lectio: in vultu & gestu modestia maior, sermo rarius, & grauis quidem, quiq; nihil haberet inanitatis & fuci: ut his præditis ornamentis, videretur in corpore mortali immortalium vitam degere.

**PVERITIA S. DANIELIS STYLITÆ**

II. Decemb. ex Simeone Metaphraste.

Sur. Tom. 6.

Duodecennis ingreditur religionem. **S** Daniel, matre infecunda genitus, Deoq; ex voto promissus, cum à primis annis pietate atque innocentia vitæ preclarum de se specimen virtutis edidisset, anno statim ætatis duodecimo tactus monasticæ vitæ desiderio, relictis parentibus, spretisq; delicioris vitæ blandimentis, clām ad asylum religionis confugit. Veniens enim ad cænobium quoddam duodecim à patrio vico dissitum stadijs, atq; ad pedes Præfecti sacri gregis procidens, eius se cōsortio sociari, & monastico amictu vestiri optabat. Cum autem ille & corporis imbecillitatem & tenerā etatem obijciens, negasset eum mona-